



Broj: 10-34-4688-1/22  
Zenica, 24.03.2022. godine

Postupajući po Zaključku Skupštine Zeničko-dobojskog kantona broj: 01-02-4688/22. od 22.03.2022. godine, a koji se odnosi na obavljanje Javne rasprave o Nacrtu Zakona o visokom obrazovanju, Ministarstvo za obrazovanje, nauku, kulturu i sport Zeničko-dobojskog kantona donosi:

## PLAN

### javne rasprave o Nacrtu Zakona o visokom obrazovanju

#### I.

Polazeći od značaja i uloge sistema obrazovanja u cjelini, a posebno u segmentu nastavka započetih obrazovnih reformi u segmentu visokog obrazovanja, kao i činjenice da je u usvojenom Programu rada za 2022. godinu, Vlade Kantona i Skupštine Kantona, planirana izrada Zakona o visokom obrazovanju, Ministarstvo za obrazovanje, nauku, kulturu i sport Zeničko-dobojskog kantona je zaduženo da kao obrađivač navedenog nacrtu zakona, realizuje Plan javne rasprave po svim općinama/gradovima na području Zeničko-dobojskog kantona, a sve sa ciljem izrade Prijedloga Zakona o visokom obrazovanju, u roku od 15 dana, te iste uz izvještaje o provedenoj Javnoj raspravi, dostavi na dalje razmatranje Vladi, odnosno Skupštini Kantona.

Cilj javne rasprave o nacrtu navedenog zakona, jeste da se o njegovim predviđenim i predloženim rješenjima obavi javna rasprava na Univerzitetu u Zenici, u svim općinama Zeničko-dobojskog kantona, te Gradu Zenica, Gradu Visoko i Gradu Zavidovići na području Zeničko-dobojskog kantona, uz sudjelovanje predstavnika organizacija, ustanova, udruženja građana, kao i svih zainteresiranih subjekata i pojedinaca sa područja općine/grada odnosno Kantona, te uz sudjelovanje predstavnika javnog informisanja kako bi se i građanima odnosno široj javnosti, učinila dostupnim rješenja iz Nacrta Zakona o visokom obrazovanju Zeničko-dobojskog kantona.

Očekuje se da javna rasprava doprinese poboljšanju teksta predmetnog nacrtu, kako bi Vlada Kantona kao njihov predlagač, putem Ministarstva za obrazovanje, nauku, kulturu i sport kao obrađivača, dostavila Skupštini Kantona odgovarajući Prijedlog Zakona o visokom obrazovanju, u predviđenom roku od 15 dana. Rok za dostavu objedinjenih izvještaja o provedenim javnim raspravama je 11.04.2022. godine.

#### II.

U svrhu provedbe javne rasprave iz tačke 1. ovog plana tekst Nacrta Zakona o visokom obrazovanju, zajedno sa obrazloženjima i popratnim aktima je putem Stručne službe Skupštine Kantona, objavljen na web stranicu Zeničko-dobojskog kantona (www.zdk.ba) i dostupan je zainteresiranoj javnosti, radi proučavanja njegovih odredbi i priprema za održavanje posebnih sastanaka – javne rasprave u svim općinama, gradovima i visokoškolskoj ustanovi sa predstavnicima Ministarstva za obrazovanje, nauku, kulturu i sport Zeničko-dobojskog kantona.

### III.

O tekstu Nacrta Zakona o visokom obrazovanju, obaviti će se rasprava na sastancima u sjedištu općina/gradova, koji se održavaju u sljedećim terminima:

1. Općina Breza	31. 03. 2022. godine u 9,30 sati	dvorana Općine;
2. Općina Vareš	31. 03. 2022. godine u 11,30 sati	dvorana Općine;
3. Općina Olovo	31. 03. 2022. godine u 14,00 sati	dvorana Općine;
4. Općina Usora	01. 04. 2022. godine u 10,30 sati	dvorana Općine;
5. Općina Doboj Jug	01. 04. 2022. godine u 11,30 sati	dvorana Općine;
6. Općina Tešanj	01. 04. 2022. godine u 09,00 sati	dvorana Općine;
7. Općina Maglaj	04. 04. 2022. godine u 09,00 sati	dvorana Općine;
8. Općina Žepče	04. 04. 2022. godine u 11,30 sati	dvorana Općine;
9. Grad Zavidovići	04. 04. 2022. godine u 10,00 sati	dvorana Grada;
10. Grad Zenica	05. 04. 2022. godine u 12,00 sati	dvorana Grada;
11. Grad Visoko	05. 04. 2022. godine u 09,30 sati	dvorana Grada;
12. Općina Kakanj	05. 04. 2022. godine u 11,00 sati	dvorana Općine.


Planirane sastanke blagovremeno će zakazati službe općinskih načelnika/ gradonačelnika kao i sekretari općinskih/gradskih vijeća, koji će osigurati dvorane-prostore za održavanje sastanaka, provesti odnosno osigurati prisustvo subjekata iz tačke I. ovog plana, kao i odrediti lice-zapisničara zaduženog za dostavu sumiranih rezultata javne rasprave resornom ministarstvu kao obrađivaču. Sa ciljem blagovremene, tačne i decidne analize rezultata javne rasprave u općinama/gradovima sa područja Kantona, sumirane rezultate javne rasprave, (pored pisanog Izvještaja), neophodno je dostaviti i u elektronskoj formi u roku od tri (3) dana od održavanja sastanka.

O tekstu Nacrta Zakona o visokom obrazovanju, obaviti će se rasprava na sastanku na Univerzitetu u Zenici dana 05.04.2022. godine u 14,00 sati.

Na svim naprijed navedenim sastancima Ministarstvo za obrazovanje, nauku, kulturu i sport Kantona osigurati će prisustvo svojih predstavnika radi vođenja rasprave na planiranim sastancima, a sve sa ciljem lakšeg sumiranja rezultata javne rasprave o *Nacrtu Zakona o visokom obrazovanju*, u predviđenim terminima i mjestima održavanja.

### IV.

Za izvršenje ovog plana odgovoran je Sektor za visoko obrazovanje i nauku Ministarstva za obrazovanje, nauku, kulturu i sport Zeničko-dobojskog kantona.



Prof. dr. Spahija Kozlić



Bosna i Hercegovina, Zenica, Kućukovići br. 2  
Tel: 032/460-840, fax: 460-842  
e-mail [min.obrazovanje@zdk.ba](mailto:min.obrazovanje@zdk.ba)

Na osnovu člana 102. stav 2. i 122. Poslovnika Skupštine Zeničko-dobojskog kantona - Treći prečišćeni tekst («Službene novine Zeničko-dobojskog kantona», broj: 14/18, 18/18-isp., 7/19 i 7/20), Skupština Zeničko-dobojskog kantona, na 43. sjednici održanoj 22.03.2022. godine, donijela je:

## ZAKLJUČAK

1. Skupština Zeničko-dobojskog kantona prihvata Nacrt Zakona o visokom obrazovanju.
2. Nacrt Zakona upućuje se u javnu raspravu u JU Univerzitet u Zenici, sve općine Zeničko-dobojskog kantona, Grad Zenicu, Grad Visoko i Grad Zavidovići. Rok za provođenje javne rasprave je 15 dana.
3. Organizatori javne rasprave su Ministarstvo za obrazovanje, nauku, kulturu i sport Zeničko-dobojskog kantona, te u općinama i općinski načelnici, a u Gradu Zenica, Gradu Visoko i Gradu Zavidovići gradonačelnici Grada.
4. O datumu, vremenu i mjestu održavanja javne rasprave organizatori će na pogodan način obavijestiti javnost, kao i o mjestu gdje je moguće izvršiti uvid u Nacrt Zakona.
5. Nacrt Zakona će biti objavljen na web stranici Zeničko-dobojskog kantona i dostupan u Ministarstvu za obrazovanje, nauku, kulturu i sport Zeničko-dobojskog kantona.
6. Skupština Zeničko-dobojskog kantona zadužuje Vladu Zeničko-dobojskog kantona i Ministarstvo za obrazovanje, nauku, kulturu i sport Zeničko-dobojskog kantona, da prilikom izrade Prijedloga Zakona o visokom obrazovanju uzmu u obzir sve prijedloge, stavove i sugestije radnih tijela, te zastupnika iznesene u raspravi na sjednici Skupštine, kao i one istaknute u toku javne rasprave ili podnesene od strane pojedinaca, organizacija, ustanova, udruženja i drugih učesnika u raspravi i da o tome podnesu izvještaj Skupštini.
7. Zaključak stupa na snagu danom donošenja.

**PREDSJEDAVAJUĆI**

Broj: 01-02-4688/22

Datum, 22.03.2022. godine  
Zenica

Ćazim Huskić